

御選明詩卷第二十九目錄

五言古詩十四

宗臣八首

徐中行四首

吳國倫三首

張佳胤四首

俞允文八首

盧柟十首

李先芳七首

吳維嶽一首

歐大任二首

御
卷二
黎民表五首

魏允中二首

胡應麟二首

徐獻忠一首

孫宜四首

強仕三首

郭本二首

郭文洵一首

馮行可三首

邵圭潔一首

葉春及一首

鄧元錫三首

潘緯二首

吳承恩一首

曹大同二首

孟思一首

周沛二首

張之象二首

朱永年一首

丘雲霄三首

施漸六首

嚴怡一首

李奎二首

張元凱五首

李元昭一首

黃喬棟一首

陳第十首

陸采一首

袁聚一首

顧聖少一首

徐渭九首

沈明臣一首

王懋明五首

姚咨一首

周詩二首

牟嘉敘五首

御選明詩卷第二十九

五言古詩十四

宗臣

秋夜省直

驅車即高扃秉燭照清池
冉冉見芙蓉白露被華滋
仰見明月光三星燦以垂
蟋蟀鳴重階繁聲一何悲
感之長歎息嗟此陰陽移
鹿鳴思野草宿鳥懷故枝
人生貴適志羈棲亦何爲
行行返舊服去去清江湄
此意良未空令達士嗤

擬古二首

冉冉江上蘭
燦燦江中芷
我友遠行役
駕言適江汜
江

汜波浪深歎息從中起昔別春卉數今思暮飈紫遊子
不旋歸浮雲日千里

車事行遊巖畔見芳草芳草綠以萋揉之遺所好徘徊
豈云宴悠然傷我抱不畏芳草歇畏此關山道關山
阻且長客子行將老

懷謝山人茂秦

驚飈動四野白露下前除攬衣起四顧悠然懷所思所
思亦何在乃在漳南居朝設穆生醴夕曳鄒陽裾西園
事行遊飛蓋列應徐近者日以親遠者日以疎不念同
心人所須在音書音書不一寄何以慰躊躇三復游燕
篇躊躇聊以舒

寄子與

清晨發東郊蘭蕙何灼灼採之遺我友我友在京洛道
路邈以修羽翼誰能托但恐霜露垂馨香日零落

楊氏園亭餞別謝榛

離思忽超越逍遙事行遊散步過華池芙蓉夾芳流悲
哉蟋蟀鳴淒切動我愁凝霜莽零落明月澹飛樓感此
歲華暮耿耿生百憂居者不可去行者不可留去留兩
不愜何以慰綢繆

留別子培舍弟

驅車上河梁顧瞻舊鄉國倉卒骨肉親彷徨動顏色子
亦竟以南子亦竟以北本是雙飛鴻胡爲乖羽翼送子

從此歸涕下不能食子其從遠猷慰我長相憶

秋夜寄陸子和

攬衣步前除白露被高桐枝葉莽零落大地回悲風明月起夕愁東壁鳴寒蟲四時一何速天地無終窮嗟彼客遊子終歲常飄蓬十月寒無衣薇藿腹不充何事不歸來孤此青桂叢欲寄尺素書不見雙飛鴻

徐中行

得于鱗書

伊予河梁別楊柳方依依分手幾何時蟋蟀鳴庭幃商飈率已厲白露沾人衣感時懷同袍中心愴以摧不惜故人遠但傷知音稀長歎謝流俗高卧掩重闥忽逢雲

中翼開緘見音徽殷勤骨肉言夙昔歲寒期臨風再三
讀慰我長渴飢喜極復垂涕願隨黃鶴飛

春暮將赴汝南廣川舟中寄懷京邑諸遊好三
首

昔來嚴霜零春陽忽已暮盛年不再逢嘉會豈常遇何
況凌雲才藝苑振高步眷予失羣羽不吝千金顧留連
曲水游感慨河梁賦嫵婉能幾時俛仰即岐路車馬盈
道旁孰測心所慕冀闕何岑巽浮雲日馳驚斂轡臨長
河徘徊不能度

浩浩黃河流冉冉白日晚驅車渺何之南遊洛與宛五
馬道踟躕十步一顧返言念同懷人亮節不可諛談天

御選明言 卷三
碣石宮置酒華陽館高文敷瓊瑤清歌命簫管攜手遠
追隨思情一何婉居者弗克俱行者日以遠春暮無歸
鴻何由寄情款

黃河多悲風白日廣川陰驚沙蔽天地方舟猶滯淫躑
躅將安適曳履援鳴琴一爲清商曲灌木俱悲吟知音
一以隔離思故難任在近多遺遠日月易浮沈伊余歲
寒契莫忘初別心願言厲高羽千載垂詞林瑤華倘可
嗣引領伊川潯

吳國倫

泛九曲溪

林端日已歇心賞未云足言攜武夷君泛此雲溪曲

秋夜同周子徵珠江泛月

良夕豈易逢奇遊夙所慕
暝陰薄層城浮雲莽相赴
須臾明月生澄空皎如素
縱艇隨輕潮披衣下纖露
髣髴海市通相將天河渡
中有弄珠人亭亭出煙霧
微颺動鳴環綽約清虛步
手裂雙扶桑化作千琪樹
幻景良若斯翛然啓冥悟

夏夜偶涼即事效梁人體

炎方雨忽霽夕閣涼如秋
星雜簷螢落河連枝鵲流
榕陰滴衣桁荔色炯簾鉤
月擁玉壺上天偕珠浦浮
輕颺動白苧密篠鳴蒼鳩
拭簟冰初合提紈雪未收
不寐憐光景長吟步斗牛
山煙微入幔海氣積爲樓
病當三伏

從選明言 卷二
起老作九真遊江漢渺何許關山悵悠悠

張佳胤

詠懷

毒暑不辭鍛嚴冬尚爲漁裘葛有本性生事因其居伊
予觸世網轉與青雲疎一謫孟諸野再遷首陽且素位
守明誠窮塗豈歆噓貴者日以貴寧得辭勞勩賤者日
以賤庶幾遠禍樞

立秋簡徐子與

涼風厲商氣颼然驚早秋白日下圓景大火西南流年
序忽不處陳蔡難久留案牘繁以迫胡爲日綢繆洪河
逝如斯草蟲夜啾啾凌厲緬千古遺則懷前修女蘿挂

喬幹玄蚓吸深湫託勢有崇卑適志其良謀

三甫入渝予不能謁承枉書問且督南征並訂
郢都之會而寄以詩

良時罕再至嘉會復何如孟冬厲霜氣蓬蒿沒敝廬興
言念友生抗旌向巴渝便欲往從之山川鬱盤紆感茲
綢繆意遠及銅梁書加餐字未畢殷勤勸脂車漁樵計
已定樊籠日愁予聞君下夔子目極生躊躇孤懷入大
江萬古只東趨郢歌有白雪期我獻歲初醉罷陽春臺
然後策驪駒

寄題永嘉王陽德陽湖精舍

招飲豈在深智者秉微尚伊人卧陽河幽襟謝塵鞅丹